



Laura Táunâjik
Inatsisartuni ilaasortaq,
Siumut
/Maani

§ 37 naapertorlugu apeqquteqaammut nr. 2019/256-imut piniarnermik nakkutilliisoqarneq pillugu akissut.
Asasara Laura Táunâjik

12-08-2019
Suliap normua 2019 - 17246
Allakkat nr. 11271960

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Inatsisartut suleriaasianni § 37-mi imm. 1 malillugu Naalakkersuisunut piniarnermik nakkutilliisoqarneq pillugu apeqquteqaateqarputit. Apeqqutit uannit akineqartussanngorlugit innersuunneqarput.

1. Naalakkersuisut august 2018-imi nalunaarutigaat taamani piniarnermut nakkutilliisut Upernavimmi marluussut, Ilulissani marluk, Sisimiuni ataaseq, Maniitsumi ataaseq, Nuummi marluk aamma ataaseq Ittoqortoormiini. Taamanerniit amerlassutsinik sumilu inissisimanerininik allannguisoqarpa?

Akissut:

Maannakkut piniarnermik nakkutilliisut arfineq-marluupput ukununnga agguataagaasut Upernavimmi (marluk), Ilulissani (ataaseq), Sisimiuni (ataaseq), Maniitsumi (ataaseq), Nuummi (ataaseq) aamma Ittoqortoormiit (ataaseq).

Taakkua suliaannut tunngatillugu KANUAANA aalisarnermut nakkutilliisoqarpoq piniarnermik nakkutilliisut suliaannik ikiuisartut. Ilulissani marlunnik, Sisimiuni ataatsimik Nuummilu pingasunik aalisarnermik nakkutilliisoqarpoq.

2. Naalakkersuisut maj 2016-imi nalunaarutigaat taamani piniarnermut nakkutilliisut saniatigut pingasunik piniarnermut nakkutilliisunut assistenteqartoq. Piniarnermut nakkutilliisut assistentit ullumikkut atorfillit qassiuppat, aamma sumi inissisimappat?

Akissut:

Maannakkut piniarnermut nakkutilliisut assistentinik atorfeqartoqanngilaq. Siornatigut assistentit atorfillit maanna piniarnermut nakkutilliisut atorfeqalernikuupput, taakkulu siornatigut nakkutilliisut atorfillit taarserlugit.

3. **Naalakkersuisut §37 najoqqutaralugu apeqquilliinermi akissuteqaatini nalunaarutigisimavaat piffissami august 2018-imiit marts 2019-imut, Kalaallit Nunaanni Aalisarnermut Akuersissutinik Nakkutilliisoqarfiup (GLFK) nutaamik nakkutilliinissamut aaqqissuussinermi, 2014-imi aalajangerneqarsimasumi, piniarnermut nakkutilliisunik atorfissaqartitsineq nalilerumallugu. Naalakkersuisut §37-imut majip 20-ani akissuteqaateqarnermi nalunaarutigaat, sineriammi piniarnermut nakkutilliisussanik naammattunik peqartoqareersoq. Imatut paasivara, iluarsartuullugu pilersaarusiame aammalu piniarnermut nakkutilliisunik atorfissaqartitsinermi misissuineq maanna naammassilersimavoq. Tamanna eqqorpa?**

Akissut:

Nakkutilliisoqarnermik aaqqissuussineq nutaaq arlalinnik immikkoortortaqarpoq, taakkua ilagivaat piniarnermik nakkutilliisoqarneq. Piniarnermik nakkutilliisunik aalisarnermillu nakkutilliisunik pisariaqartitsineq suliaasat naapertorlugit KANUAANA-mit ingerlaavartumik nalilersorneqartarpoq.

Ilisimatitsissutigineqarsinnaavoq ulloq 21. juli 2019 KANUAANA-mi nakkutilliisutut ilinniarnissamut killigititaammat. Ilinniartut arfineq-pingasut atorfinitsinneqarput taakkualu ilinniagartik naammassigunikku nakkutilliisoqarfinnut tamarmik immikkut aalisarnermut nakkutilliisutut inissinneqarumaarlutik.

4. **Najukkani innuttaasut aammalu piniarnermik peqatigiiffiit piniarnermik nakkutilliisunik atorfissaqartitsinermik paasiniaanermi akulerussorneqarsimappat?**

Akissut:

Piniarnermik nakkutilliisoqarneq pillugu pisariaqartitsinermik nalilersuinermi najukkami innuttaasut ilaannakortumik akulerussortinneqarput. Nalilersuineq tunngaveqarpoq KANUAANA-mi piniarnermik nakkutilliisut aamma aalisarnermik nakkutilliisut misilittagaat kiisalu najukkami kattuffinnut, aalisartunut piniartunullu attaveqartarnerat misilittakanillu avitseqatigiittarnerat aallaavigalugit.

5. **§37 najoqqutaralugu akissuteqaammi februar 2017-imeersumi takuneqarsinnaavoq, nakkutilliinermik aaqqissusaaneq ukiumi 2014-imi aalajangersorneqartoq taamanerniillu atuutsilerniarlugu suliarineqartu-artoq, tunngavigineqarmat piniakkat ulorianartorsiortut, taamaalilluni nakkutilliineq imaalilluni ingerlanneqarmat, unioqqutitsinermi piniakkat uloriarnartorsiornerusut annerusumik nakkutigineqarmata aammalu unioqqutitsinermi annertunerpaamik piniakkanut ajoqusiisinnaa-**

neq pineqarluni. Tamanna pissusissamisoorpa nakkutilliiffigineqar-tussap piniagassartai ima sivisutigisumik kisinneqarsimanngippata, al-laar piniagqusaanerini ikilisaasoqarsimammam mianersornerinnarmik tunngaveqalerluni?

Akissut:

Pisassiissutinik aalajangiisarneq tunngaveqarpoq uumassuseqarneq pillugu siunnersuinerimik, tamanna ilisimatusarnikkut misissuinerit aallaavigalugit pisarluni. Ilisimatusarnikkut misissuinerit pisoqaliartortillugit, uumasoga-tigiiat qanoq inneri nalorninarsiartortarpoq, mianersornissamullu tunnga-veqarneq atorveqalersarluni.

Piniarnermi aalisarnermilu nakkutilliinermi unioqutitsisinnaanermik tunnga-veqarneq pisassiissutinik aalajangiisarnermut attuumassuteqanngilaq, misilit-takkalli aallaavigalugit sumiiffinni nakkutilliinissamut pisariaqartitsinerpaaf-fiusut ukkatarineqartarlutik.

- 6. Naalackersuisut naliliinermi isumaqarpat, Tasiilap eqqaani naammattumik piniarnermi nakkutilliisoqarsinnaasoq piniarnermik nakkutillisutut atorveqartoq Ittoqqortoormiini inissisimappat?**

Akissut:

Tasiilap eqqaani nakkutilliineq Ittoqqortoormiini piniarnermik nakkutillisu-mit isumagineqanngilaq, Nuummili piniarnermik nakkutillisumik isumagi-neqarluni.

- 7. Piniarnermut nakkutillisup Ittoqqortoormiiniittoq ukiuni kingullerni marlunni qanoq akulikitsigisumik Tasiilap eqqaani nakkutilliinermik suliaqarsimava?**

Akissut:

6-imut akissut takuuk.

- 8. Piniarnermik nakkutillisut Ittoqqortoormiini inissisimanngitsut ukiuni kingullerni marlunni qanoq akulikitsigisumik Tasiilap eqqaani nakkutilliisarsimappat?**

Akissut:

Ukiuni kingullerni marlunni Tasiilami nakkutilliinermik ingerlatsisoqanngi-laq.

- 9. Ukiumut aningaasartuutaasartut eqqarsaatigalugit qanoq atuineru-soqartigissava piniarnermut nakkutilliisumik ataatsimillu Tasiilami inisiisoqassappat? (Angallatissaata pisiarinissaa aningaasatigullu ingerlanissaa eqqarsaatiginagit)**

Akissut:

Ullumikkut piniarnermik nakkutilliisumut ataatsimut aningaasartuutit koruunit 1 mio-nit missaanni ingerlatsinermut atorneqartarput. Taakkua sania-tigut koruunit 2 mio-nit miss. ilinniartitaanermut, angallatinik, allaffimmut akiligassanut, atortunut, atisanut il.il. pissarsinissamut atorneqartarput. Taamaattumik piniarnermik nakkutilliisunik amerlanerusunik atorfinitsitsiso-qassappat piniarnermik nakkutilliisoqarnermut ukiumut aningaasaliissutit koruunit 3 mio-nit tungaanut amerleriassapput.

- 10. Naalackersuisut august 2018-imi nalunaarutigaa, Kalaallit Nunaanni Aalisarnermut Akuersissutinik Nakkutilliisoqarfiup (GLFK) qulaaluanik angallataateqartoq: Viksund Speed Shark-it sisamat ukiunik 20-inik pisoqaassusillit, Awi Boat 35-fod ataaseq, Eurofisher 23 fod ataaseq, kisalu angallateqqat Nuunit-it 19 fod-it pingasut. Taamanerniit allannguisoqarsimava?**

Akissut:

Naamik, taamanimiit allannqortoqanngilaq. Ilisimatitsissutigineqarsinnaavorli angallatit Viksund-it marluk maannakkut teknikkikkut ajoquteqarmata atorneqanngillat.

- 11. Ittoqqortoormiini piniarnermik nakkutilliisoq qanoq ittumik angallateqarpa, angallataatalu angalaffigisinnaasaa Tasiilami nakkutilliinissamut naammappa?**

Akissut:

Ittoqqortoormiini piniarnermut nakkutilliisoq nammineq umiatsiaaqqani atunngikkuniuk najukkami aalisartunit piniartunilluunniit angallammik attartortarpoq. Taakkua Tasiilami nakkutilliinissamut atorneqarsinnaanngillat, ungasippallaarmat angallatillu taama isorartutigisumut angallatiginissaat naleqqunnatik.

- 12. Naalackersuisut naliliisinnaanerat naapertorlugu, Tasiilami piniarnermut nakkutilliinermut atorneqarsinnaassappat, angallat pisiaralugu**


qanoq akeqassanersoq ukiumullu ingerlanneqarnissaa qanoq akeqas-sava?

Akissut:

Tasiilami nakkutilliinissaq siunertaralugu, najukkami aalisartut piniartullu malinnaavigalugit angalasinnaassusaa pinertussusaalu tulluurtumik, kiisalu imarsiornermi isumannaallisaanermut maleruagassat atuuttut naammassiniar-lugit, angallammik nutaamik atortussai ilanngutereerlugit pisiniaraanni ko-ruunit 750.000-nik akeqassaaq. Ingerlatsinermit aningaasartuutit ilimagi-neqarput ukiumut koruunit 150.000-t angusassagaat.

Tasiilami nakkutilliinissamut angallammik nutaamik pisinermit naleqqiullugu pingaaruteqarpoq oqaatigissallugu, ukiup annertunersaa anga-laniarnej ajornartarmat sikorsuaqartarnera pissutigalugu. Taamaattumik a-ngallammik nutaamik siunertamut tassunga pisaarniarnej aningaasartuutaa-vallaassaaq, angallatip nakkutilliinermut atornejartarnissaa sivikitsuinnaq eqqarsaatigalugu.

Inussiarnersumik inuulluaqqusillunga



Jens Immanuel

Aalisarnermut, Piniarnermut Nunalerinermullu Naalakkersuisoq